



Sarajevo, 07-05-2019
Broj: 02-17238/19

Na osnovu člana 69. stav (2) tačka d) Zakona o javnim nabavkama Bosne i Hercegovine („Službeni glasnik BiH” broj: 39/14), člana 95. Statuta Javnog preduzeća Elektroprivreda BiH d.d.- Sarajevo (broj: SD-5211/16-38/2. od 29.03.2016. godine) i člana 4. stav 7. Odluke o utvrđivanju i rasporedu ovlaštenja Generalnog direktora, izvršnih direktora, pomoćnika generalnog direktora, Sekretara Društva i direktora podružnica Društva - Prečišćeni tekst (broj 06-6522/18 od 05.03.2018. godine), Izvršni direktor za proizvodnju **donosi:**

ODLUKU
o poništenju postupka javne nabavke

Član 1.

Poništava se postupak javne nabavke u predmetu **nabavka armature - ventila** za potrebe Podružnice Termoelektrana "Tuzla" Tuzla, po Otvorenom postupku broj 2000025127 (broj sa Portala javnih nabavki: 1405-1-1-101-3-134/19) iz razloga što nijedna od primljenih ponuda nije prihvatljiva.

Član 2.

Zadužuje se Služba za komercijalne poslove da u roku od 3 (tri) dana, a najkasnije u roku od 7 (sedam) dana od dana donošenja ove Odluke istu dostavi ponuđačima i time ih obavijesti o rezultatima postupka navedenim u obrazloženju ove Odluke.

Obrazloženje

U predmetnom Otvorenom postupku javne nabavke, objavljenom na Portalu javnih nabavki dana 07.05.2019. godine ponudu je blagovremeno dostavio sljedeći ponuđač:

1. „TIPING“ d.o.o. Zenica sa cijenom od 116.984,72 KM bez PDV-a

Zapisnik sa otvaranja ponuda po Otvorenom postupku broj 2000025127 od 27.05.2019. godine dostavljen je učesnicima predmetnog postupka u skladu sa odredbama Zakona o javnim nabavkama BiH („Službeni glasnik BiH“, broj 39/14) i podzakonskim aktima.

Komisija za javne nabavke imenovana Odlukom direktora broj 02-4-63-2468/2019 od 28.02.2019. godine, izvršila je otvaranje, pregled i evaluaciju ponude ponuđača „TIPING“ d.o.o. Zenica i utvrdila sljedeće:

- za poz. 3 je ponuđen neodgovarajući ventil. U tehničkom opisu je traženo da krajevi ventila budu odgovarajućih dimenzija sa pripremom za zavarivanje, a Ponuđač je dostavio ventile sa krajevima za navojnu vezu. Traženo je da kućište ventila bude od 1.5415 a u ponudi je od 1.4571. Kataloški list proizvođača je neoznačen.
- za poz. 4 - 8 takođe je neadekvatno označena kataloška dokumentacija. U ponuđenoj kataloškoj dokumentaciji npr. nije uopšte označen ventil DN20 PN320 sa kućištem od čelika 1.7335 i 1.7383. Za sve pozicije su označeni ventili sa kućištem od 1.5415.
- za poz. 13 - 27 je nečitljiv proizvođač ventila. Na strani 13 Ponude pretpostavka je da su ventili sa navedenih pozicija od proizvođača VAG s.r.o za kojega su dostavljeni certifikati o ispitivanju prema EN12266 klasa B, a zahtijevano je prema EN12266 klasa A. Ponuđač za ovog proizvođača nije priložio traženi certifikat H prema 2014/68/EU.
- za poz. 28 - 29 iz dostavljene kataloške dokumentacije se ne vidi proizvođač ventila i priložena kataloška dokumentacija nije označena. Kako se iz priložene dokumentacije ne vidi proizvođač u ponudi za poz. 28 nije dostavljen traženi certifikat H prema 2014/68/EU.

- za poz. 30 iz dostavljene kataloške dokumentacije se ne vidi proizvođač ventila i priložena kataloška dokumentacija nije označena. U priloženoj kataloškoj dokumentaciji se ne vidi posjedovanje certifikata o ispitivanju prema EN12266 klasa A.
- za poz. 12 i 31 nije označena kataloška dokumentacija. Proizvođač ventila posjeduje tražene certifikate.
- za poz. 33 nepotpuno označena kataloška dokumentacija.
- za poz. 34 – 35 se ne vidi proizvođač ventila. Na str. 94 ponude nejasno je vidljivo da je riječ o proizvođaču MIV d.d Varaždin za koga su priloženi traženi certifikati.
- za poz. 36 – 40 iz dostavljene kataloške dokumentacije se ne vidi proizvođač ventila i priložena kataloška dokumentacija nije potpuno označena.
- za poz. 41 - 49 i 51-60 iz dostavljene kataloške dokumentacije se ne vide priključci ponuđenih ventila za cjevovod i nije označena kataloška dokumentacija. Za svaku poziciju je potrebno označiti tražene karakteristike ventila, radni fluid, ugradbenu dužinu i vrstu priključka na cjevovod. Za poz. 51, 52 i 53 nije vidljiv proizvođač ventila pa samim time nema podataka o traženim oznaka tip PED CE-0035 i odgovarajućem certifikatu o ispitivanju ventila gdje je radni medij vodonik. Za poz. 58 je tražen ventil kuglasti za lužinu DN32 PN16 sa pripadajućim električnim aktuatorom 230 V, a što nije dostavljeno u kataloškoj dokumentaciji.
- na poz. 9, 61 i 62 nije označena kataloška dokumentacija (DN, PN, priključak, materijal, temperaturni raspon primjene i dr.).
- na poz. 63 - 64 nije označena kataloška dokumentacija.

Iz naprijed navedenih razloga, odbacuje se zahtjev za učešće ponuđača „**TIPING“ d.o.o. Zenica**, prema odredbi člana 68. stav 4. tačka i) Zakona o javnim nabavkama BiH („Služeni glasnik BiH“, broj 39/14), jer njegova ponuda nije potpuna i ne ispunjava zahtjeve tenderskog dokumenta.

Pored navedenog, ponudena cijena je znatno veća od osiguranih sredstava za predmetnu nabavku.

Iz navedenih razloga je u skladu sa članom 69. stav 2. tačka d), odlučeno kao u članu 1. dispozitiva ove Odluke.

Pravna pouka:

Protiv ove Odluke može se podnijeti žalba ugovornom organu Javnom preduzeću Elektroprivreda BiH d.d.- Sarajevo, Podružnica Termoelektrana "Tuzla" Tuzla u roku od 10 (deset) dana od dana prijema ove Odluke.

2 Izvršni direktor za proizvodnju

dr. sci. Nexad Ikanović

- ✓ 1x Imenovanim
- ✓ 1x 63
- ✓ 1x a/a

(Handwritten signature and stamp)